

1260, setembre, 11

L'abadessa de Sant Daniel, Berenguera, i la cambrera, Berenguera de Vila-romà, firmen a Brunissenda, filla de Pere de Juïgues i al seu marit, Bernat Escriptor, un quart del delme de Setcases.

En el mateix pergamí de l'escriptura anterior.

Sit notum cunctis quod nos domina Berengaria, Dei gratia abbatissa monasterii Sancti Danielis et Berengaria de Uillaromano, cameraria ac conuentus eiusdem monasterii, per nos et omnes illas que de cetero tenuerint in dicto monasterio locum nostrum, gratis et ex certa sciencia ac consulte et scienter agentes, laudamus, concedimus, confirmamus et etiam approbamus uobis Brunissendi filie quondam Petri de louigiis et Bernarda Scriptori uiro uestro et uestris omnibus ac cuiquemque uolueritis in perpetuum totum quartonum illius decime omnium rerum tocius parochie de Septemcasis et aliorum locorum ad illud decimale pertinentium, quam per nos tenetis et monasterium antedictum. Predictam siquidem quartam partem decime antedicte, prout melius et laci us ad uos spectat uel spectare debet aliqua ratione et prout melius et laci us ad patrem uestri Brunissendis predicte · pertinebat uel pertinere debebat iure aliquo siue causa, et etiam prout melius, utilius, laci us et comodius ad uestram uestrorumque utilitatem et comodum dici potest uel etiam cogitari, uobis et uestris et cuicunque uolueritis laudamus, concedimus, approbamus et etiam confirmamus ad omnes uestras et uestrorum uoluntates, saluo iure dicti monasterii ibi et inde omni tempore faciendas. Ita tamen quod uos sitis inde hemines nostri, et quod post mortem uestram dimittatis illam ac dimittere teneamini tali filio uestro qui sit inde miles nostri et monasterii memorati, uel tali filie uestre que sit uxor militis et recipiat ipsam quartam partem decime pro nobis et monasterio nostro uel miles aliquis pro eadem. Similiter quod non obstante presenti firmamento et concessione quam nunc uobis nos inde facimus, ut est dictum sit nobis et monasterio nostro totum ius nostrum saluum quantum ad illum cui dimiseritis uel aliquo modo alienaueritis ipsam quartam partem decime memorate, eam nos et monasterium nostrum debeamus habere militem pro eadem. Et propter hoc laudamentum et concessionem recognoscimus et confitemur nos a uobis numerando recepisse et penes nos habuisse quadringentos solides malgorenses, super quorum receptione renunciamus exceptioni peccunie non solute. Et nos Brunissendis et Bernardus Scriptor supradicti, laudantes et concedentes suprascripta siue dicta, recipimus in presenti pro uobis dominabus supranominatis et monasterio uestro predictam quartam partem ac pro eodem facimus uobis domine abbatisse homagium in presenti iunctis nostris manibus.

Actum est hoc .m. idus septembbris anno Incarnationis Christi millesimo .ce. sexagesimo.

Sig+num domine Berengarie de Uillaromano, camerarie supradicte, sig+num domine Cecilie de Fuxano, priorisse, sig+num domine Beatricis de Paleria, sacristane, sig+num domine Ermessendis de Darnicibus, sig+num domine Agnetis de Solerio, sig+num

domine Geralle de Olius, sig+num domine Raimunde de Ceruiano, sig+num domine Ermessendis de Petracissa, sig+num domine Agnetis de Scala, sig+num domine Guilielme de Petracissa, sig+num domine Guilielme de Belestar, sig+num domine Blanche de Miniana, sig+num domine Berengarie de Trilia. +Berengaria, Dei gracia Sancti Danielis abbatissa*. Huius rei sunt testes Berengarius de Cistela et Raimundus de Sancto Martina.

Ego Raimundus Ollarii (s. man.) de Palaciolo, scriptor iuratus gerens uices Guilielmi de Terradis, notarii domini episcopi Gerundensis, hec scripsi.

Extret de: Marquès, Josep M., ed. Col·lecció diplomàtica de Sant Daniel de Girona (924-1300). Barcelona: Fundació Noguera, 1997. 381-383